

Visoki predstavnik pojasnjava obaveze RS prema Haskom tribunalu

Kao odgovor na neke javne komentare koje je dao novoizabrani predsjednik RS, Mirko Sarovic, Visoki predstavnik je danas jasno stavio do znanja da Medjunarodni krivicni tribunal za bivsu Jugoslaviju (ICTY) ima mandat za krivicno gonjenje i sudjenje osobama koje su odgovorne za teska kršenja medjunarodnog humanitarnog prava pocinjena na teritoriji bivse Jugoslavije od 1991. godine.

Komentari gosp. Sarovica u magazinu Start, kako Republika Srpska mora "donijeti poseban zakon" kojim ce regulirati saradnju sa Tribunalom, potpuno su neosnovani sa pravne tacke gledista. Visoki predstavnik smatra komentare gosp. Sarovica provokativnim, te navodi da ovo nije trenutak za bilo kakve dvosmislenosti.

Visoki predstavnik podsjeća gosp. Sarovica na sljedeće:

- Jurisdikcija ICTY-ja nad ovom teritorijom – uključujući i Republiku Srpsku – uspostavljena je Rezolucijom 827 Vijeca sigurnosti od 25. maja 1993. godine.
- Ona se dalje pojačava članom IX Općeg okvirnog sporazuma za mir u Bosni i Hercegovini i članom II. 8 Aneksa 4 Daytonskog mirovnog sporazuma, u kojem se navodi: "Svi nadležni organi u Bosni i Hercegovini će uspostaviti saradnju i omogućiti neograničen pristup ... Medjunarodnom krivicnom tribunalu za bivsu Jugoslaviju (a posebno će izvršavati naloge izdate u skladu sa članom 29 Statuta Tribunala)".
- Članom 29 Statuta ICTY-ja se jasno predviđa da oba Entiteta moraju u potpunosti saradjivati sa Tribunalom, uključujući: identifikaciju i lociranje osoba; uzimanje

izjava i dokaznog materijala; predaju dokumentacije; hapsenje i pritvaranje osoba; predaju i prebacivanje optuženih do ICTY-ja.

OHR je mnogo puta cuo izjave stranke SDS, ciji je clan gosp. Sarovic, da postuje Daytonski mirovni sporazum. Prema tome, on bi trebao osigurati da Vlada RS ispostuje svoje jasno definirane obaveze prema ICTY-ju.

Visoki predstavnik jos jednom ponavlja da je hapsenje optuženih za ratne zlocine i njihovo sudjenje u Hagu i dalje jedan od vrhunskih prioriteta, te da nece tolerirati opstrukcionisticku taktiku u ovoj oblasti. Bosna i Hercegovina se ne moze okrenuti buducnosti dok ne rijesi sa svojom prosloscu.